



Comhairle an
Aontais Eorpaigh

An Bhruiséil, 19 Iúil 2022
(OR. en)

8266/22

LIMITE

CORLX 371
CFSP/PESC 514
RELEX 496
COEST 320
FIN 451

GNÍOMHARTHA REACTACHA AGUS IONSTRAIMÍ EILE

Ábhar: RIALACHÁN CUR CHUN FEIDHME ón gComhairle lena gcuirtear chun feidhme Rialachán (AE) 269/2014 a bhaineann le bearta sriantacha i ndáil le gníomhaíochtaí lena mbaintear an bonn d'iomláine chríochach, de cheannasacht agus de neamhspleáchas na hÚcráine nó ar bagairt iad na gníomhaíochtaí sin ar an méid sin

RIALACHÁN CUR CHUN FEIDHME (AE) 2022/... ÓN gCOMHAIRLE

an ...

lena gcuirtear chun feidhme Rialachán (AE) 269/2014 a bhaineann le bearta sriantacha i ndáil le gníomhaíochtaí lena mbaintear an bonn d'iomláine chríochach, de cheannasacht agus de neamhspleáchas na hÚcráine nó ar bagairt iad na gníomhaíochtaí sin ar an méid sin

TÁ COMHAIRLE AN AONTAIS EORPAIGH,

Ag féachaint don Chonradh ar Fheidhmiú an Aontais Eorpaigh,

Ag féachaint do Rialachán (AE) Uimh. 269/2014 ón gComhairle an 17 Márta 2014 a bhaineann le bearta sriantacha i ndáil le gníomhaíochtaí lena mbaintear an bonn d'iomláine chríochach, de cheannasacht agus de neamhspleáchas na hÚcráine nó ar bagairt iad na gníomhaíochtaí sin ar an méid sin¹, agus go háirithe Airteagal 14(1) de,

Ag féachaint don togra ó Ardionadaí an Aontais do Ghnóthaí Eachtracha agus don Bheartas Slándála,

¹ IO L 78, 17.3.2014, lch. 6.

De bharr an mhéid seo a leanas:

- (1) An 17 Márta 2014, ghlac an Chomhairle Rialachán (AE) Uimh. 269/2014.
- (2) Leanann an tAontas de ghníomhaíochtaí agus de bheartais a bhaineann an bonn d'iomláine chríochach na hÚcráine a cháineadh.
- (3) Measann an Chomhairle gur cheart beirt a chur le liosta na ndaoine, na n-eintiteas agus na gcomhlachtaí atá faoi réir bearta sriantacha mar a leagtar amach in Iarscríbhinn I a ghabhann le Rialachán (AE) Uimh. 269/2014 iad mar gheall ar an ról atá acu ó thaobh an bonn a bhaint d'iomláine chríochach, de cheannasacht agus de neamhspleáchas na hÚcráine nó ar bagairt iad ar an méid sin, agus toisc go mbaineann siad tairbhe as cinnteoirí Rúiseacha a bhí freagrach as ionghabháil na Crimé nó as díchobhsú Oirthear na hÚcráine.
- (4) Ba cheart, dá bhrí sin, Rialachán (AE) Uimh. 269/2014 a leasú dá réir sin,

TAR ÉIS AN RIALACHÁN SEO A GHLACADH:

Airteagal 1

Leasaítear Rialachán (AE) Uimh. 269/2014 i gcomhréir leis an Iarscríbhinn a ghabhann leis an Rialachán seo.

Airteagal 2

Tiocfaidh an Rialachán seo i bhfeidhm ar dháta a fhoilsithe in *Iris Oifigiúil an Aontais Eorpaigh*.

Beidh an Rialachán seo ina cheangal go huile agus go hiomlán agus beidh sé infheidhme go díreach i ngach Ballstát.

Arna dhéanamh in/sa ...,

Thar ceann na Comhairle

An tUachtarán

IARSCRÍBHINN

Cuirtear na daoine seo a leanas le liosta na ndaoine nádúrtha agus dlítheanacha, na n-eintiteas, agus na gcomhlachtaí a leagtar amach in Iarscríbhinn I a ghabhann le Rialachán (AE) Uimh. 269/2014:

Daoine

| | Ainm | Faisnéis aitheantais | Cúiseanna | Dáta an liostaithe |
|-------|---|--|---|--------------------|
| '209. | Oleksandr Viktorovich YANUKOVYCH (Олександр Вікторович ЯНУКОВИЧ) | Inscne: Fireann Dáta breithe: 10.7.1973 Áit bhreithe: Yenakiyevе, Donetsk Oblast, (an Úcráin, iarSSR, an Úcráin anois) Náisiúntacht: Úcránach | Fear gnó agus mac le hiar-Uachtarán na hÚcráine Viktor Yanukovich is ea Oleksandr Yanukovich. Le linn uachtaránacht Viktor Yanukovich agus a bhuí leis an nasc pearsanta a bhí aige le grúpa daoine a bhí gar dá athair, chuir sé le chéile scata leasanna gnó agus bhailigh sé saibhreas mór. Tá sé fós i mbun a ghníomhaíochtaí gnó i réigiún Donbas agus iad faoi rialú grúpaí scarúnaíoch, go háirithe in earnálacha an fhuinnimh, an ghuaill, na tógála, na baincéireachta agus an eastáit réadaigh. Go háirithe, a bhuí le dlúthnaisc leis na scarúnaithe ar son na Rúise, fuair sé príomhshócmhainní eacnamaíochs sna 'Daonphoblachtaí scarúnaíoch Donetsk agus Luhansk' mar a ghairtear díobh, <i>inter alia</i> , in earnálacha an fhuinnimh, an ghuaill agus an eastáit réadaigh. Chosain cathlán scarúnaíoch OPLOT (liostaithe ó mhí Feabhra 2015) a thionscadail forbartha eastáit réadaigh i 'Daonphoblacht Donetsk' mar a ghairtear di. | + |

+ IO: cuir isteach, le do thoil, dáta foilsithe an Rialacháin seo.

| | Ainm | Faisnéis aitheantais | Cúiseanna | Dáta an liostaithe |
|--|------|----------------------|--|--------------------|
| | | | <p>Dá bhrí sin, tá Oleksandr Yanukovich freagrach as tacú le gníomhaíochtaí nó le beartais, nó as iad a chur chun feidhme, lena mbaintear an bonn d'iomláine chríochach, de cheannasacht agus de neamhspleáchas na hÚcráine, nó ar bagairt iad na gníomhaíochtaí agus na beartais sin ar an méid sin agus rinne sé idirbhearta leis na grúpaí scarúnaíocha i réigiún Donbas na hÚcráine.</p> <p>Ina theannta sin, tá baint aige lena athair Viktor Yanukovich, atá freagrach as tacú le gníomhaíochtaí nó le beartais, nó as iad a chur chun feidhme ar bagairt iad d'iomláine chríochach, do cheannasacht agus de neamhspleáchas na hÚcráine agus do chobhsaíocht agus slándáil an stáit.</p> | |

| | Ainm | Faisnéis aitheantais | Cúiseanna | Dáta an liostaithe |
|------|--|---|--|--------------------|
| 210. | Viktor Fedorovich YANUKOVYCH (Віктор Федорович ЯНУКОВИЧ) | Inscne: Fireann; Dáta breithe: 9.7.1950 Áit bhreithe: Yenakiyevе, Donetsk Oblast an Úcráin Náisiúntacht: Úcránach Feidhm: IarUachtarán na hÚcráine, Olagarc | <p>Ó 2010 go dtí 2014, bhí Viktor Yanukovich ina Uachtarán ar an Úcráin. Shaothraigh sé beartas ar son na Rúise nuair a bhí sé in oifig. Chinn cúirt Úcránach go raibh Viktor Yanukovich ciontach i dtréas tar éis dó cuireadh a thabhairt do Chónaidhm na Rúise ionradh a dhéanamh ar an Úcráin. Tar éis dó a bheith curtha as cumhacht, bhog sé go dtí an Rúis, áit óna leanann sé dá ghníomhaíochtaí arb é is aidhm dóibh an Úcráin a dhíchobhsú.</p> <p>Chuidigh sé le cur isteach míleata na Rúise san Úcráin trí iarraidh ar Uachtarán Chónaidhm na Rúise trúpaí Rúiseacha a chur chuig an Úcráin i mí an Mhárta 2014. Thacaigh Viktor Yanukovich le polaiteoirí ar son na Rúise a raibh oifigí poiblí sa Chrimé faoi fhorghabháil acu. In 2021, cuireadh tús le himscrúdú réamhthrialach san Úcráin ar dá réir a fuarthas gur ndearna Viktor Yanukovich, i dteannta beirt iarAirí Cosanta leis, laghdú, d'aon ghnó, ar acmhainneacht slándála na hÚcráine, go háirithe i bPoblacht Fhéinrialaitheach na Crimé. Measann sé féin gurb é Uachtarán dlisteachanach na hÚcráine agus tá seasamh ar son na Rúise curtha i láthair aige go seasta ina chuid idirghabhálacha poiblí. De réir foinsí éagsúla, bhí Viktor Yanukovich páirteach in oibríocht speisialta de chuid na Rúise, arbh é ab aidhm di é féin a chur isteach in ionad Uachtarán na hÚcráine, le linn na gcéimneanna tosaigh den fhogha míleata mídhleathach gan chúis i gcoinne na hÚcráine. Anuas air sin, d'iarr Uachtarán Phoblacht na Seisnia, Ramzan Kadrov, go n-aistredh Uachtarán na hÚcráine a chumhachtaí go léir go Viktor Yanukovich.</p> | + |

+ IO: cuir isteach, le do thoil, dáta foilsithe an Rialacháin seo.

| | Ainm | Faisnéis aitheantais | Cúiseanna | Dáta an liostaithe |
|--|------|----------------------|---|--------------------|
| | | | Dá bhrí sin, tá Viktor Yanukovich freagrach as tacú le gníomhaíochtaí nó le beartais, nó as iad a chur chun feidhme, ar bagairt iad d'iomláine chríochach, do cheannasacht agus do neamhspleáchas na hÚcráine, agus do chobhsaíocht agus do shlándáil an stáit. | |